



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA PROGRAM AKTIVNOSTI ZA
DAN OBILJEŽAVANJA OPSADE SARAJEVA 1992.-1995.
ZA 2022. GODINU
(prijedlog)

Predlagač: Gradonačelnica
Obradivač: Gradska služba za
poslove Informatičkog centra

Sarajevo, septembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 — prečišćeni tekst), člana 3. stav (2) Odluke o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19), Gradsko vijeće Grada Sarajeva na _ sjednici održanoj _____ 2021. godine, donosi:

(prijedlog)

ODLUKU
O DAVANJU SAGLASNOSTI NA PROGRAM AKTIVNOSTI ZA
DAN OBILJEŽAVANJA OPSADE SARAJEVA 1992.-1995.
ZA 2022. GODINU

Član 1.

Ovom odlukom daje se saglasnost na Program aktivnosti za Dan obilježavanja opsade Sarajeva 1992.-1995. za 2022. godinu (u daljnjem tekstu: Program) utvrđen od gradonačelnice Grada Sarajeva.

Član 2.

Ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preduzima sve ostale aktivnosti potrebne za uspješnu realizaciju Programa.

Član 3.

Sastavni dio ove odluke je Program.

Član 4.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 3. stav 2. Odluke o Danu obilježavanja opsade Sarajeva 1992.-1995. kojim je propisano da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za narednu godinu.

RAZLOZI ZA DONOŠENJE

Odlukom o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) propisano je da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za narednu godinu. Uvidom u dostavljeni Program aktivnosti za Dan obilježavanja opsade Sarajeva 1992.-1995. utvrđeno je da Program u cijelosti zadovoljava cilj donošenja Odluke o Danu obilježavanja opsade Sarajeva 1992.-1995., odnosno da na prigodan i dostojanstven način obilježava najdužu opsadu jednog glavnog grada u savremenoj historiji ratovanja, kao i patnju, hrabrost i herojski otpor stanovnika i branioaca Sarajeva u opsadi, te odaje poštu građanima Sarajeva ubijenim tokom opsade grada.

OBRAZLOŽENJE PREDLOŽENIH RJEŠENJA

Članom 1. Odluke daje se saglasnost Gradskog vijeća Grada Sarajeva na Program aktivnosti za Dan obilježavanja opsade Sarajeva 1992.-1995. za 2022. godinu utvrđen od gradonačelnice Grada Sarajeva.

Članom 2. Odluke ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preuzima sve ostale aktivnosti potrebne za uspješnu realizaciju Programa. Organizacioni odbor će imati mandat i djelovati na način kako je to predloženo Programom.

Članom 3. Odluke propisano je da je Program sastavni dio Odluke, dok član 4. reguliše stupanje na snagu Odluke.

FINANSIJSKA SREDSTVA

- Finansijska sredstva za provedbu ove Odluke obezbjedit će se u Budžetu Grada Sarajeva za 2022. godinu

Na osnovu člana 3. stav 2. Odluke o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) utvrđujem:

**PROGRAM
AKTIVNOSTI ZA DAN OBILJEŽAVANJA OPSADE
SARAJEVA 1992.-1995. ZA 2022. GODINU**

I UVOD

Odlukom o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) propisano je da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnost na Program aktivnosti za Dan obilježavanja opsade Sarajeva 1992. -1995. za narednu godinu. U izradi Programa aktivnosti za Dan obilježavanja opsade Sarajeva 1992.-1995. konsultovan je i Savjet gradonačelnice za Informativni centar o Međunarodnom krivičnom sudu za bivšu Jugoslaviju (u daljem tekstu: Informativni centar o MKSJ Sarajevo). Savjet gradonačelnice za Informativni centar o MKSJ Sarajevo održao je sjednicu dana 01.09.2021. godine i sačinio prijedlog aktivnosti za Dan obilježavanja opsade Sarajeva 1992.-1995. Uzimajući u obzir nadležnost Savjeta utvrđenu potpisanim Memorandumom o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo („Službene novine Kantona Sarajevo“, broj 50/16), kao i njegov sastav, u Programu su uvaženi prijedlozi Savjeta.

**II RASPORED I OPIS AKTIVNOSTI ZA DAN OBILJEŽAVANJA OPSADE
SARAJEVA 1992.-1995. ZA 2022. GODINU**

1. Naziv aktivnosti: Organiziranje konferencije/naučnog skupa na temu „Opsada Sarajeva kroz presude MKJS“

Vremenski okvir: 05.04.2022. godine (u dogovoru sa učesnicima/panelistima)

Lokacija: Vijećnica, Sarajevo — u prisustvu učesnika ili online, zavisno od epidemiološke situacije sa koronavirusom

Satnica: Naknadno (u dogovoru sa učesnicima/panelistima)

Učesnici aktivnosti: Pozvati tužitelje, sudije, pravne eksperte koji su radili na predmetima pred Tribunalom, predstavnike pravosuđa, akademske zajednice, relevantnih udruženja, diplomatska predstavništva, predstavnike različitih nivoa vlasti u BiH, studente, istraživače i novinare.

2. Naziv aktivnosti: Polaganje cvijeća na ključnim lokacijama stradanja civila u Sarajevu

Lokacija: Naknadno (utvrđuje Organizacioni odbor)

Vremenski okvir: 05.04.2022. godine

Satnica: Naknadno (utvrđuje Organizacioni odbor)

Učesnici aktivnosti: Delegacije Grada Sarajeva, strane delegacije, općina u sastavu Grada, Kantona Sarajevo i ostalih nivoa vlasti, predstavnici relevantnih udruženja.

3. Naziv aktivnosti: Centralna manifestacija

lokacija: Centar grada, mikrolokacija: naknadno (utvrđuje Organizacioni odbor) Vremenski okvir: 05.04.2022. godine

Satnica: precizira Organizacioni odbor

Učesnici aktivnosti: Delegacija Grada Sarajeva, strane delegacije, diplomatska predstavništva u BiH, delegacije općina u sastavu Grada, Kantona Sarajevo i ostalih nivoa vlasti, predstavnici relevantnih udruženja, mediji, umjetnici, učenici, studenti, građani.

Napomena: Članovi savjeta su jednoglasno usvojili prijedlog da ukoliko epidemiološke mjere ne budu dozvoljavale realizaciju naučne konferencije u prisustvu učesnika, pristupit će se alternativnom rješenju, koje podrazumijeva organizaciju dijaloške emisije o opsadi Sarajeva 1992.-1995. uz online obraćanje sudija, tužitelja i istražitelja iz MKSJ / MRMKS-a. Uz ove aktivnosti planirana je izrada i promocija brošure o opsadi Grada Sarajeva kroz utvrđene presude MKSJ/MRMKS-a.

III REALIZACIJA PROGRAMA I LOGISTIKA

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarne aktivnosti, provođenje potrebnih nabavki i sl. Organizacioni odbor će biti ovlašten i da izvrši dodatno preciziranje lokacija, satnica, učesnika i zvanica. Odsjek za informisanje (Press služba) Grada će komunicirati sa medijima i sačinjavati saopćenja i medijske najave. Sve potrebne nabavke za realizaciju cjelokupnog Programa provodit će se u skladu sa važećim propisima.

IV FINANSIJSKA SREDSTVA

Za potrebe realizacije Programa potrebno je u Budžetu Grada Sarajeva za 2022. godinu planirati minimalno 50.000,00 KM. Grad će tražiti i dodatnu finansijsku podršku općina u sastavu Grada i ostalih nivoa vlasti u BiH.

GRADONAČELNICA

Doc. dr. Benjamina Karić